

黃帝孫顛頊以黃帝居姬水姓姬故帝嘗居
 子后稷亦姬姓又十六代發高周武王
 帝位六年都錫京今承後平王遷洛邑子孫
 相承共八百七十三年外紀年譜多作黃
 九百二十七年黃
 帝子孫各得姓於事帝推律定姓者十二在
 前九子各封一國總三十三氏出黃帝之後

先天紀云子孫相承凡一千五百二十年世
 紀云一十二
 百五十年

臣道一曰軒轅屈黃帝之尊禮七十二師
 然後垂衣裳而天下治當是時也君明臣
 良民淳俗樸以有天下而不恥下問是故
 神人悉願歸之民到于今稱之此後世所
 以有黃帝王霸之品者於此乎可見矣道
 德經曰是以聖人處無為之事行不言之
 教萬物作焉而不辭生而不有為而不恃
 功成而弗居夫惟不居是以弗去豈非軒
 轅之謂乎

歷世真仙體道通鑑卷之一

歷世真仙體道通鑑卷之二

賦二

浮雲山聖壽萬年宮道士趙道編

通玄天師

通玄天師一號玄中大法師在天皇時出洞
 真經一十二部以無極大道下教人間

有古大先生

有古大先生於地皇時出洞玄經一十二部
 化人以無上正真之道

盤古先生

盤古先生在人皇時出洞神經一十二部化
 人以太平無為之道

鬱華子

鬱華子在密機時降于田野授天皇內文又
 降河圖八卦之文教人以順性之道一號宛
 華稱田野子作元陽經三十四卷

廣壽子

廣壽子在祝融時降于恒山授人皇內文教
 人以安神之遺俾陶鑄為器以變生冷一號
 傳豫子作按摩通精經九十卷

大成子

大成子又號傳豫子在神農時降于海陰授
 地皇內文教人以好生之道俾播殖穀粟以
 代烹殺和合方藥救疾養性一云作太一元
 精經三十六卷

廣成子

廣成子居崆峒之山石室之中黃帝聞而造
 焉曰敢問至道之要廣成子曰爾治天下雲
 不待族而雨木不待黃而落妾足以語至道
 哉黃帝退而閉居三月復往見之膝行而前
 再拜請問治身之道答曰至道之精窈冥
 冥至道之極昏昏然無視無聽抱神以靜
 形將自正必靜必清毋勞爾形毋搖爾精乃
 可長生慎內閉外多知為敗我守其一而處
 其和故千二百年未嘗衰老得吾道者上為
 皇夫吾道者下為土予將去汝入無窮之間
 遊無極之野與日月齊光與天地為常人其
 盡死我獨存焉乃授帝陰陽經黃帝紀云一
 授自然經一
 號乃默子作道成經七十卷
 道一曰廣成子謂我守其一而處其和
 故千二百年未嘗衰老道德經曰昔之得

一者天得一以清地得一以寧神得一以靈
谷得一以盈萬物得一以生侯王得一為
天下正其殆以此乎廣成之意欲軒轅抱
一為天下式而已厥後軒轅得道白日昇
天後世帝王卒未能及廣成之功妙矣哉

隨應子

隨應子一號太極先生在少皞時降于崆峒
山說莊敬經教以順時行令

赤精子

赤精子在顓頊時說微言經教以忠順之道
南嶽總聖集云芙蓉峯今有傳經壇晉咸和
中山南見數童子與羣白鶴遊翔其上

錄圖子

錄圖子在帝嚳時降于江涓說黃庭經教以
清和之道又命九天真王三天真皇執八光
之節景雲之符下救德皇授帝嚳以九天真
靈三天寶符上以奉天使二儀無遺下以管
人使年命無墜帝乃祭天於北河之壇藏符
於鍾山之峯後昇天為玄宮真人錄圖子是
時傳道與赤精子被衣子王倪葛秋一云作

黃庭經五十卷

務成子

務成子在唐堯時降于姑射山說玄德經教
以謙遜之道一云作政事宣化經四十卷

尹壽子

尹壽子在虞舜時降于河陽說道德經教以
無為之道又傳道與彭祖一云作通玄真一
經七十卷道德經十二百卷

真行子

真行子一號甯真子在夏禹時降于高山教
以勤儉之道授九疇書又命宛委之神玄夷
使者授禹玉書靈寶五符治水真文及罡步
劫召鬼神之法玉笥山太秀法樂洞天即授
禹靈寶真文之所遺迹存焉今太湖中洞庭
山林屋洞天即為藏真文之所一名包山吳
王闔閭十二年正月登包山之上命隱者龍
威丈人入包山之洞究其深遠見金城玉屋
題曰天后別宮太陰之堂於玉室几上得素
書一卷凡一百七十四字而還闔閭不識其
書使使問仲尼云亦鳥喙書以授於王仲尼

曰吾昔遊於西海之上聞童謠曰吳王出遊
觀震湖龍威丈人名隱居北上包山入靈墟
乃造洞庭竊禹書天帝大文不可舒此文長
傳百六初今強取出喪國廢丘按謠言乃龍
威丈人洞中得之亦鳥所喙非丘所知也吳
王懼復歸其書一云夏禹時出為師號季子
肯作元始經四十六卷復作妙樂經七十卷
復作德戒經三十卷

錫則子

錫則子在商湯時降于潛山說長生經教以
恭愛之道今潛山天祚官前龍臺之址即其
所也一號錫壽子或稱戒子肯作道元經七
十卷

變色子

變色子亦稱赤精子降于岐山之陽說赤精
經教以仁信之道西伯聞之召為守藏史

育成子

育成子周武王克商踐祚以守藏史遷為柱
下史作璇璣經一云周武王時出為師號郭
叔子亦稱續成子或號天老公復稱為老君

乍為常人乍為柱下史作長生經三十卷以授于王

經成子

經成子周成王時為柱下史說廣化經又以道授周公旦乃退而閑居因出遊西極大秦竺乾等國號古先生

郭叔子

郭叔子周康王時為柱下史

歷世真仙體道通鑑卷之二

歷世真仙體道通鑑卷之三

浮雲山聖壽萬年宮道士趙道編

赤松子

赤松子者神農時雨師服水玉以教神農能入火自焚至崑崙山常止西王母石室中隨風雨上下炎帝少女追之亦得仙俱去至高辛時復為雨師今之雨師本是焉丹臺錄云為崑崙山仙伯治南嶽山抱朴子云赤松子以玄壘血漬玉為水而服之故得乘煙上下也玉屑服之與水餌皆令人不死

竇封子

竇封子者黃帝時人也世傳為黃帝陶正有人過之為其掌火能出五色煙久則以教封子封子積火自焚而隨煙氣上下視其灰燼猶有其骨時人共葬於甯北山中故謂之甯封子焉

封子焉甯封子先主極於蜀之青城山北麓黃帝時人神焉謂三之一之道先生曰吾聞天真人被太上初近在我肩連三一之源可師而問之也因以龍騎經授黃帝黃帝受之能乘雲龍以遊八極乃築壇其上拜甯君為五嶽真人使川數百神清都受事乃入我焉又云黃帝封甯君主五使上同教神以水無刺滿茶此是謂六時水陰時即飄然而洒賜時即無

馬師皇

馬師皇者黃帝時馬醫也知馬形氣死生之診理之輒愈後有龍下向之垂耳張口師皇曰此龍有病知我能理乃鉞其唇下口中以甘草湯飲之而愈後數有疾龍出其陵告而治之一旦龍負而去

赤將子與

赤將子與者黃帝時人不食五穀而噉百草華至堯時為木正能隨風雨上下時與市中貨繳亦謂之繳父

倭佺

倭佺者槐山採藥父也好食松實形體生毛長數寸兩目更方能飛行遂走馬以松子遺堯堯不暇服也松者簡松也時人受服者皆至二三百歲焉

方回

方回堯時隱人也堯聘以為閭士煉石雲母粉亦與人民之有病者隱於五葭山中夏啓末為宮士為人所劫閉之室中從求道回化而得去更以方回印封其戶時人言得回一